



Sera finala dils cuors da giuvens tiradurs sco era giuvenils 2018

Sonda, ils 20 d'october ein ils giuvens tiradurs ed ils giuvenils se-rimnai allas 17.00 uras ell'ustria dil stan da sittar La Resgia. Duas tiraduras giuvenilas ed in tiradur giuvenil sco era 3 tiradurs giuvens ed ina tiradura giuvna ein stai presents ed han schubergiau las buis da rudien per aschia saver turnar quellas a Cuera ni dar anavos talas als possessurs privats. Mo in tiradur ha muncau ed ei staus perstgisaus. Cun il bien agid dils suprastonts Eugen, Simon e Marc haiel saviu dar tuttas armas bein schubergiadadas anavos. Ca. allas 18.30 uras han ils presents cun gidonters saviu gustar ina super tscheina: Nossa cuschiniera Rita ha preparau ina tratga grondiusa e tuts che han schau plascher quei menu. Leutier ha ins giu la pusseivladad da beiber tenor giavisch ed alla fin ha in super dessert mess il punct sigl i da tala scuntrada. Da legra cumpignia e cun schar reviver ils tirs ed era il cuors 2018 ei il temps ius zun spert ed il principal da tala sera ei gie la rangaziun finala. Tier tala quenta naturalmein era la participaziun e quei ein en tut 12 differentas gadas pils giuvenils ed 11 gadas pils giuvens tiradurs. Esser presents ha mintgamai dau 5 puncts, perstgisau 3 puncts e star naven senza hau ni mau 0 puncts. Pil pli eisi vegniu

sittau dètg stupent, quei ch'ins sa veser ord la gliesta da rangaziun. Sur dallas qualificaziuns en ed ord il cantun haiel gia publicau ella Tuatschina.

Da cheu anora lessel gratular a tuts per las arbagias acquistadas ed jeu sperel che tuts tegnien alla dira e



cuntinueschien l'auter onn cun ils cuors. In tut special engraziel les-sel admetter agl Eugen Degonda, al president Simon Beer sco era als commembers dalla suprastonza che han segidau oreifer cun mei. Als giuvens tiradurs sco era giu-

venils giavischel tut bien pigl avegnir, satisfacziun e plascher en lur mistregns e clamadas sco era scolaziuns e gia oz direzia e cuntentientscha pigl onn 2019.

Vies menader *Norbert*

Rangaziun concurrenza annuala tiradurs giuvenils 2018

	participaziun	tir da pag	tir principal	campester	obligatoric	total
1. Bergamin Fadri	58	89	125	61	75	408
2. Monn Taiana	60	90	122	60	65	397
3. Levy Ronia	60	83	126	60	65	394
Total	60	100	150	72	85	467

Rangaziun concurrenza annuala tiradurs giuvens 2018

1. Cavegn Giuanna	53	85	123	64	75	400
2. Deflorin Gion Cornel	49	78	135	60	70	392
3. Jacomet Flurin	53	75	121	51	76	376
4. Levy Franco	55	76	120	57	67	375
5. Monn Paco	55	59	122	62	62	360
Total	55	100	150	72	85	462